



Regale Sacerdotium Romano Pontifici Assertum

Sfondrati, Celestino

[Sankt Gallen], 1684

§. VII. Non dari Appellationem à summo Pontifice ad Concilium, non ergo
huic Pontificem subesse.

[urn:nbn:de:hbz:466:1-63125](#)

§. VII.

Non dari Appellationem à Summo Pontifice ad Concilium, non ergo huic Pontificem subesse.

Summaria.

1. *A Pontificis Rom. sententia appellari non posse, auctoritate SS. Canonum probatur.*
2. *Aliorumque Doctorum doctrinā & sanctitate insignium.*
3. *Constitutio Pii II.*
4. *Rationes.*

I.



Minore Judice ad majorem provocari certi juris est; si ergo ostenderimus judicium Papæ ultimum esse, nec ab alio rescindi, eo ipso sequeretur, supremam, nullique alteri subjectam potestatem Pontificis Romani esse.

Canones primo loco audiamus. S. Gelasius ad Episcopos per Dardaniam constitutos in c. cuncta 9. q. 3. *Cuncta per mundum novas Ecclesias, quod sacrae sancta Romana Ecclesia fas de omnibus habeat judicandi: neque cuiquam de ejus liceat judicare judicio, si quidem ad illam de qualibet mundi parte appellandum est, ab illa autem nemo est appellare permisus. Sed nec illa præterimus, quod Apostolica sedes sine Synodo præcedente, & solvendi, quos Synodus inquit damnaverat, & damnandi nullam existente Synodo, quos oportuit, habuit facultatem: & hoc nimis pro suo Principatu, quem R. Petrus Apostolus Domini & voce tenuit semper, & tenebit. Idem in c. ipsi 9. q. 3.*

Ipsi sunt Canones, qui Appellations totius Ecclesie ad hujus Sedis examen volueré deferri. Ab ipsa vero nusquam prorsus appellari debere sanxerunt: ac per hoc illam de tota Ecclesia judicare, ipsam ad nullius committere judicium: nec de ejus unquam præcepérunt judicio judicari, sententiāq; illius

ad Concilium, non ergo huic Pontificem subesse. 361
illius constituerunt non oportere dissolvi, cuius potius decreta sequenda
mandarunt.

S. Bonifacius Martyr in c. si Papad. 4.0. Si Papa sua & fraterne
salutis negligens, deinceps deprehenditur inutilis, & remissus in operibus
suis, & insuper à bono taciturnus, quod magis officit sibi, & omnibus, ni-
hilominus innumerabiles populos catervatim secum ducit, primo manci-
pio gehenna, cum ipso plagiis multis in eternum vapulaturus. Hujus cul-
pas istic redarguere presumit mortalium nullus: quia cunctos ipse judica-
tur, à nemine est judicandus, nisi deprehendatur à fide devius: pro cu-
jus perpetuo statu universitas fidelium tanto instantius orat, quanto suam
salutem post Deum ex illius incolumente animadveret, propensiis pendere.

Patres Concilii Sinuellani ad Marcellinum Pontificem: Absit, ut
à nobis summus Pontifex judicetur. Negasti tu? negavit & Petrus Ma-
gister tuis: & quis Apostolus ausus fuit inde eum judicare? sed egressus
foras flevit amare. Tu ergo in sinum tuum causam collige, tuo ore te judi-
ca, non nostro judicio.

S. Thomas de Pont. q. 10. a. 4. ad 13. Ex gestis Chalcedonensis Con-
cilii habetur primo, quod sententia Synodi à Papa confirmatur: Secundo,
quod à Synodo appellatur ad Papam: Tertio, quod a Papa ad Synodum
non appellatur, ut habetur ex gestis Concilii Ephesini.

B. Augustinus Triumphus lib. de Potestate Ecclesiae. q. 6. a. 1.
Solus Papa dicitur esse vicarius Dei, quia solum, quod ligatur vel solvi-
tur per eum, habetur solutum & ligatum per ipsum Deum; sententia igi-
tur Papæ, & sententia Dei una sententia est, sicut una sententia est Papa,
& auditoris ejus. Cum igitur appellatio semper fiat à minore iudice ad
superiorem, sicut nullus est major seipso, ita nulla appellatio tenet facta à
Papa ad Deum, &c. Nullus potest appellare à Papa ad Deum: sicut nul-
lus potest intrare ad consistorium Dei, nisi mediante Papâ, qui est aeterna
vita consistorii claviger, & ostiarius. Et sicut nullus potest appellare ad
seipsum: ita nullus potest appellare à Papa ad Deum: quia una sententia
est, & una curia Dei & Papæ.

B. Antoninus in summa T. 23. c. 3. §. 3. Quicumq; sentit, quod à
Romano Pontifice ad quemcunq;, alium liceat appellare, conatur quantum
in se est, afferre privilegia Romana Ecclesia: quod probatur ex omnibus
premissis. Primo sic: Quicumq; sentit Romanum Pontificem non esse sum-
mum supremū & unicum caput totius Ecclesiae, afferre conatur privile-
gium Romana Ecclesia à Christo concessum: sed quicunq; à Papa appellan-
dum

362. Lib.II. §. VII. Non dari appellationē à summo Pont.

dum effe sentit, sentit Papam non esse summum & unicum caput Ecclesia: ergo, &c. Major patet ex primo p̄eambulo. Minor ex tertio patet: ex quo sequitur, quod quicunq; hoc sentit, sentit contra articulum Nicene Synodi: Ubi dicitur, unam sanctam Ecclesiam: qua Ecclesia habet unitatem ex unitate capitum. Unde & Joann. 10. dicit Christus: Fia unum ovile & unus Pastor: sed si licium esset appellare à Papaā: & illi, ad quem appellaretur, esset caput: sic Papaā non esset caput: vel effe dum capita, quod esset monstruosum & dirūpens Ecclesia unitatem. Et hinc est, quod felicis recordationis Bonifacius Octavus in extravagante, que incipit: Unam sanctam: probat, per unitatem Ecclesia esse de necessitate salutis omnem humanam creaturā Romano Pontifici esse subjectam. Secundo arguitur idem ex secundo Privilegio sic: Quicunq; assertit quod Romanus Pontifex non habeat plenitudinem Potestatis super omnes: auferre conatur Pr̄ivilegium Ecclesia Romana à Christo traditum: quod pater per secundum privilegium supra possum: sed sentiens appellandum esse à Papa, sentit ipsum non habere potestatis plenitudinem super omnes: ergo &c. Minor patet: quia ille ad quem appellatur habet potestatem super illum, à quo appellatur, qui potest ejus iudicium mutare & sententiam retractare: sed si quis haberet potestatem super Papam, Papacarere illā potestate: eo quod in hoc ei esset subjectus: & per consequens non haberet plenitudinem potestatis. Ex tertio privilegio arguitur idem sic: Quicunq; sentit Romanam Ecclesiam non habere firmitatem immobilem & perpetuam, auferre conatur Pr̄ivilegia Romana Ecclesia ei à Christo tradita: sed sentiens quod à Romano Pontifice possit appellari, sentit Romanam Ecclesiam non habere perpetuum & immobilem firmitatem: ergo pr̄dictum privilegium ei auferre conatur. Major patet: quod Ecclesia sicut est una, sic est firma: ideo dicitur in utrōq; symbolo: unam sanctam Ecclesiam. Sanctam autem idem est quod firmum: unde & immutabilia statuta vocantur sanctiones. Minor patet: quod iudex, ad quem appellatur, potest iudicia & sententias ejus, à quo appellatur, mutare & renuntiare & retractare: ergo si à Papalitum sic appellari, iudicia & sententiae Papae immutabiles & firma non erunt. Et ideo quicunq; statuta Papae crediderit violanda, pr̄avaricator fidei reputatur. Ita Hadrianus c. generali. 25. q. 1. Ex quarto privilegio probatur idem sic: Quod si appellari posset ad alium: aut appellatur ad alium Papam, aut ad Concilium generale; Non ad Papam successorem: tum quia non habet par in parem iurisdictionem, extra de elect. cap. innomin. §. quamvis. Tum quia Roma-

nnn



nus Pontifex parem potestatem habet cum precedente. Is autem ad quem appellatur, debet esse superior; tum etiam quia absens: sicut ille, qui mortuus est, ex hoc mundo migravit; tum etiam, quia potestas Papa se extendit ad illos, qui sunt super terram: ut patet ex forma collata potestatis: Quodcumque ligaveris super terram, erit ligatum & in cœlis. Super terram autem non est Papa defunctus. Sed ne ad Concilium generale à Papa appellari potest: quia Papa omni Concilio superior est: nec robur habet, quidquid agitur: nisi auctoritate Romani Pontificis & roboretur & confirmetur: sentire ergo, quod ad Concilium à Papa appellari possit, est hereticum, & contra illum articulum sanctum: Ecclesiam Catholicam. Ex quinto privilegio patet idem sic: Quicunque sentit, quod à Papa possit ad alium appellari, sentit quod Romanus Pontifex possit ab alio judicari: sed hoc est contra privilegium Romana Ecclesie: ergo talis sic sentiens privilegium Romana Ecclesie afferre conatur. Item hoc sentire, est sentire, quod Papa habeat superiorum: & quod sit aliquis eo major: quod est dicere Romanum Pontificem non esse unum caput, & universale: & per consequens sentit contra Ecclesie unitatem.

Duvalius Doctor & Theologus Sorbonicus lib. 4. q. post. In causa appellationis appellans à potestate & jurisdictione ejus, a quo appellat, eximitur. At in nullo casu potest quis à jurisdictione & potestate Rom. Pontif. eximi: alioquin non esset amplius illius ovis, ac per consequens nec Christianus; cum Christus in quoscunque Christianos Petro dederit potestatem his verbis: Pasc oves meas, non has aut illas, non hujus aut illius regiones, sed in universim, oves meas, id est, omnes, qui Christiana Religione nomen dederunt, ut eleganter 3. de consideratione ad Eugenium docet Bernardus. Secundo. Per appellationem recedit appellans ab obedientia & communione ejus, à quo appellat. At qui nulli Christiano, in qua cunque dignitate fit constitutus, ab obedientia summi Pontif. & communione cum ejus sede licet recedere. Quisquis enim extra hanc domum agnum comedenter, profanus est. Si quis in arca Noë non fuerit, peribit regnante diluvio, ut Hieron. Damasum Sedis Apostolica Rectorem alliquitur. Tertio. A Monarcha Monarchico, id est, extremo iudicio judicante, nefas est appellare. At Pontifex Rom. est supremus Ecclesie Monarcha: extremo igitur iudicio quaslibet causas ita terminabit, ut fas amplius non sit, ad ullum aliud tribunal provocare. Quartò. Iudex à cuius iudicio provocatur, judicem ad quem sit provocatio parti condemnata dare, aut designare non debet: Sic enim ageret in seipsum, abiret q̄, in rem iudicatam,

364 Lib. II. §. VII. Non dari appellationē à summo Pont.

contra communem juris Regulam: at quis solius Pontificis Romani est Concilia Oecumenica indicere, congregare, & confirmare, atq; eorum decretae robur tribuerē; itaque si ab ejus iudicio ad Concilii tribunal sit provocatio, debet Pontifex ipse contra seipsum, in rem à se absq; fronde sibi facta, judicat am abire: arma, quibus emendetur & corrigatur suspenditare: & quod amplius est, ista omnia contra se suumq; iudicium definito novo suo calculo confirmare, qui certe universum justitiae ordinem, praeclarissimamq; hierarchiam omnino pervertit, & destruit.

S. Bernardus epist. 213. Quis mihi faciet justitiam de vobis? si haberem judicem, ad quem vos trahere possem, jam nunc ostenderem vobis (ut parturiens loquor) quid meremini. Extat quidem tribunal Christi, sed absit, ut ad illud appellem vos, qui illic, si vobis necessarium & mihi possibile esset, vellem magis totis viribus stare, & respondere pro vobis. Itaq; recurro ad eum, cui in praesenti datum est iudicare de universis, hoc est, ad vos: vos iudicare inter me & vos.

III. Pius II. Pontifex Max. Execrabilis & pristinis temporibus inauditus, tempestate nostrâ inolevit abusus, ut à Romano Pontifice, Iesu Christi Vicario, cui dictum est in persona B. Petri: Pasce oves meas, &c. Quodcunq; ligaveris super terram, erit ligatam & in cœlis; nonnulli sacerdotum rebellionis imbuti, non sanioris cupiditate iudicii, sed commissi evanescere peccati, ad futurum Concilium provocare presumunt. Quod quantum sacris Canonibus adversetur, quantumcumq; Reipublica Christiana noxiū sit, quisquis non ignarus jurium, intelligere potest. Namque non alia prætereramus, quæ huic corrupe la manifestissime refragantur, quis non illud ridiculum, quod ad id appellatur, quod nusquam est, neq; scit, quando futurum sit? Pauperes à potentioribus multipliciter opprimuntur, remanent impunita scelerā, nutritur adversus primam Sedem rebellio, libertas delinquendi conceditur, & omnis Ecclesiastica disciplina, & hierarchicus ordo confunditur.

Volentes igitur hoc pestiferum virus à Christi Ecclesia procul pellere, & ovium nobis commissarum saluti consulere, omnemq; materiam scandali ab ovili nostri Salvatoris arcere, de venerabilium Fratrum nostrorum S.R.E. Cardinalium, cunctorumque Pratalorum, ac divini & humani juris interpretum curiam sequentium, concilio & assensu, ac certa nostra scientia, hujusmodi provocationes damnamus, & tanquam errorias, ac detestabiles reprobamus. Cassantes & penitus annullantes, signabat hinc totaliter interposita inveniantur, easque tanquam manes, ac peccata.

stiferas, nullius momenti esse decernimus, ac declaramus. Pracipientes deinceps, ut nemo audeat quovis quæsto colore, ad ordinationibus, sententiis, sive mandatis quibuscumq; nostris, ac successorum nostrorum, talem appellationem interponere, aut interposita per alium adhærere, seu eis quomodolibet uti.

Si quis autem contrà fecerit, à die publicationis presentium in Cancellaria Apostolica, post duos menses, cujuscunque statū, gradū, ordinis, vel conditionis fuerit, etiam si, Imperiali, Regali, vel Pontificali refulgeat dignitate, ipso facto sententiam execrationis incurrat, à qua nisi per Romanum Pontificem, & in mortis articulo, absolvī non possit. Universitas verò sive collegium, Ecclesiastico subjaceat interdicto, & nibilominus jam Collegia & universitates, quam prædicta, & alia quæcunque personæ, eas pœnas ac censuras incurvant, quas rei Majestatis & heretice pravitatis fautores incurrere dignoscuntur.

IV. Rationes verò ob quas negamus à Papa ad Concilium appellari posse, sunt præter toties dictas: quod à Vicario appellari non possit, cùm habeat idem tribunal cum suo Episcopo & Principali, t. 2. de consuetudine in b. sed Papa est Vicarius Christi, ergo sicut à Christo appellari ad alium non potest, ita nec ab ejus Vicario: quod si Concilium hanc ipsam vicariam potestatem sibi vindicat, querimus à quo, & quando datam? eruntque duo in Ecclesia Christi Vicarii, duo capita, hoc est, monstrum non corpus, nullib; in Scripturis, aut Conciliis lectum auditumque. Deinde cùm nullum valeat Concilium, à Papa non vocatum, confirmatumque per expressos textus in d. 17. appellatio aut erit inutilis, aut impossibilis: erit enim appellatio à Papa ad Papam, & labyrintho similis in seipsum redeunti. Et tandem cùm à Concilio ad Papam provocatio detur; erit circulus appellandi perpetuus, & nunquam finiendus: A Papa provocabis ad Concilium, à Concilio ad Papam, & ab hoc ad Concilium redibis, lusum potius, quam litem & causam acturus.

Non obstat epistola 162. Augustini, ubi scribit: Causam Cecilia-ni primò judicatam à Pontifice, & deinde ab Episcopis.

Respondemus. Illud non necessitatis fuisse, sed conniventiae, ut hereticis omnis tolleretur tergiversandi causa, de quo vide Gratianum eleganter ad can. testes 2. q. 7. & B. Gregorium in can. Petrus. eadem.